



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

Praefatio.

**urn:nbn:de:hbz:466:1-15221**

XIX. *De clericis, ne forum crimi-  
nale frequentent, nec reorum  
neci intersint.*

XX. *De Concilio tertio quoque an-  
no celebrando.*

ANNO  
CHRISTI  
585.

## PRÆFATIO.

**R**ESIDENTIBVS Prisco, Euantio, Prætextato, Ber-  
chranno, Artemio, Sulpitio metropolitanis episco-  
pis, cum omnibus confacerdotibus eorum, <sup>d</sup> Priscus epi-  
scopus patriarcha dixit: Gratias agimus Domino Deo no-  
stro, fratres & confacerdotes mei, qui nos in hoc die con-  
gregans, alterna nos fecit sospitate gaudere. Ceteri epi-  
scopi metropolitani responderunt: Gaudemus, frater san-  
ctissime, quod omnes episcopi, qui in regno gloriosi do-  
mini Guntramni regis episcopali honore funguntur, in  
vno se conspiciunt coadunati Concilio. Propterea inde-  
finenter omnes nos orare oportet, vt Dei omnipotentis  
maiestas, & regis nostri incolumitatem solita pietate con-  
seruet, & nos omnes, qui membra sumus vno sub no-  
stro capite Christo coadunati, illa nos operari concedat,  
quæ serenitati ac maiestati eius rite complacent. Vniuer-  
si episcopi dixerunt: Congratulamur & nos, patres san-  
ctissimi, qui per interualla temporum separati, hodie no-  
scimur, post tot temporum curricula, fraterna dilectione  
corporaliter iungi: ideoque petimus, vt quæ tractanda  
sunt, vobis præcipientibus, celeriter pertractentur, ne  
nos sæuæ hiemis procellosa tempestatas a sedibus propriis,  
quia longe sunt, longitudine sua arceat. Metropolitanis  
omnes dixerunt: Deo auxiliante, communi deliberatio-  
ne singula quæ necessaria sunt a nobis definiuntur. Hoc  
vniuersæ fraternitati vestræ suademus, vt ea quæ Spiritu  
sancto dictante per ora omnium nostrorum terminata  
fuerint, per omnes ecclesias innotescant, vt vnusquisque  
quid obseruare debeat, sine aliqua excusatione condiscat.  
Quoniam nos indiuidua trinitas, quemadmodum spiritu,  
corpore quoque in vno copulauit Conuentu, debemus  
sapienti consilio omnibus subuenire, ne forte taciturnitas  
nostra & nobis præiudicium diuinitatis afferat, & subie-  
ctos in tentationem inducat.